

K 6.781  
3

# მკვლავების შენიშვნები

[ჩვენ მოგარჩევთ საყურადღებოთ]

ხაშური, ბორჯომი, ბაკურიანი, აბასტუმანი ზარმა, ახალციხე,  
საფარა, ჭულევი. ქართ. შორის წ. კ. გამაგრებულ სამოგა-  
დობის საყურადღებოთ.

ფასი 5 კპვ.

წმინდა ძეგლსაველი იქნება გადადებული დასავლეთ საქართველოში  
და ქართლში დაზარალებულთა სახარებლოთ.



ბ ა თ უ შ ი

სტამბა ა. ძილაძის და ბ. თავართქილაძის

1906

205

საქართველო

91/47.922



ნესტ კეტირ.-ზვილი.

ჩვენ მოაგარაკეთა

საყურადღებოთ

ჩ. 6. 781  
3

მზგუკრის მენი მკნეპი

ხაშური, ბორჯომი, ბაკურიანი,  
აბასტუმანი, მარშმა, ახალციხე, სა-  
ფარა, ჭულევი. ქართ. შორის წ. კ. გა-  
მაურსელებელ სამოგადოების საყურადღებოთ.



სკეპ-2000  
შემოქმედებულია

საყო- ლო წოდება №	5805
სა- ყო №	10484

ბ ა თ უ მ ი

სტამბა ბ. ძილაძის და ბ. თავართიქლაძის.

1906.

# მგზავრის უანიშნებო

(ჩვენ მოაგარაკეთა საყურადღებოდ).

ხაშური, გორჯოში, ბაკურიანი, აბასთუმანი, ჯარჯმა, ქართ.  
შორის წ. კ. გამავრცელებელ საზოგადოების საყურადღებოდ.  
ახალციხე, საჯარა, ზულევი.

ბათუმიდგან მომავალი მატარებელი ხაშურში დილა აღ-  
რიან მოვიდა. სადგურზე ბლომათ ირეოდენ სოფლელი გლე-  
ხები. ვაკვირდებოდნი, მინდოდა ამომეკითხა იმათ სახის გამო-  
მეტყველებაში რამე არა ჩვეულებრივი. ისინიც ხომ სხვა ჩვენ  
გლახობასთან ერთათ ახალ ისტორიულ ხანას ჰქმნიან. ქალამ-  
ნებში, ქრელი ხელსახოცით თავწაკსელნი წყნარად და მშვი-  
დათ გამოიყურებიან. გაშლილი სახე ისე გაპრწყინვებიან, რო-  
გორც ეს მშვენიერი დილა. სხვა წოდება რომ ასეთ დიდ  
ისტორიულ საქმეს აკეთებდეს, მთელი მისი არსება აივსებოდა სიამ-  
მაყით და მედიდურობით. უყურებ ჩვენ გლახს და ვმშვიდდები; უი-  
მედობა, სასოწარკვეთილება იმედათ მექცევა: ბედმა რაც უნდა  
დასჩაგროს, რაც უნდა უბედურება დაატყდეს თავზე, სულით  
არ ეცემა, წელში არ ტყდება. გამარჯვებული იგი მხნეთ შე-  
უდგება განახლებულ ცხოვრების გზას. წარმოვიდგენ ჩვენს წარ-  
სულს: „ბრწყინვალე, კეთილშობილი“ წოდება, სამშობლოს ბუ-  
რჯათ აღიარებული, ყოველთვის იყო დაჯილდოვებული მამუ-  
ლით, წყლით, მთით. იმას ანიჭებდა მეფე უფლებას, პატივს, ყმას.  
ჩვენი გლახი, რომელიც „ბრწყინვალე“ წოდების წინ იდგა და  
თავის მკერდით იცავდა სამშობლოს და სარწმუნოებას, მტრი-  
საგან, არაფერ ჯილდოს არ თხოულობდა. ჯილდოს მაგივრათ  
თავისუფლება დაპყარგა, იმ „ბრწყინვალე“ წოდების, რომლის  
გვერდით სისხლს ღვრიდა, მონათ, ყმათ, გახდა. რანაირი უსამარ-  
თლობაა! გადავარდა მონობა-ყმობა, გლახები მაინც მონებათ, ყმე-  
ბათ ღარჩნენ: იმათ მაწა არ ერგოთ საკუთრებათ. ის მიწა, რომელ-  
საც ისინი ათასი წლობით ჰფლობდენ, მუშაობდენ, რომელიც  
გაჟღენთილი იყო მათი სისხლით და ოფლით, საკუთრებათ არ  
ერგოთ! უსიტყვოთ, უჩივლოთ შეება მონობის ახალ უღელში  
ჩვენი გლახობა. ამნაირმა უსამართლობამ კინალამ დაჰლუბა ჩვე-

ნი ერი. დავიციოთ სულიერათ. გადაგვარების გზას დავადექით. ჩვენი ისტორიული არსებობა გვესპობოდა. განა ყველაფერი ამას არ მოასწავებდა? — ეკონომიურათ დაჩაგრული და დაბეჩავებული ჩვენი გლეხოება იმის ცდაში იყო, შიმშილით არ მომკვდარიყო. სამღვდელოება დაჰშორდა ხალხს, მიზანი თავის არსებობისა დაჰკარგა და კუჭს დაუწყო სამსახური. „ბრწყინვალე“ წოდება მხიარულ ცხოვრებას მიეცა. მცონარი და არას მქნელი, მათხოვრათ, სხვის ხელში შემყურეთ გადაიქცა, საფანელი რომ შემოაკლდა. მისთვის აღარ არსებობდა ხალხი, სამშობლო! უზომო მადა გახსნილი იმაზე ჰფიქრობდა, კუჭი გაეძლო და ფუჭი „კეთილშობილური“ თავმოყვარეობა დაეკმაყოფილებია. თუ ის მოახერხებდა ბანკში მამული დაეგირავებია, შვილი კორპუსში სახელმწიფო ხარჯზე მიეცა და თითონ პრაპორჩიკის ჩინი მიეღო, კმაყოფილი და უღარდელი ლალათ მიეცემოდა განცხრომას, ქეიფს. „უზრუნველი, უღარდელი, მოქეიფე, მხიარული, ზარმაცი ქართველი“, ეს ეპიტეტები ჩვენმა „ბრწყინვალე“ წოდებამ შეგვმატა, თორემ ქართველი ხალხი საერთოთ, ქართველი გლეხი განა ზარმაცია? — ჩვენი ინტელიგენცია, უძლური და განუვითარებელი, პესსიმიზმს, სასოწარკვეთილებას მიეცა. ინტელიგენტებს ხალხი უყვარდა, მისთვის კეთილი უნდოდა, მაგრამ მას არ იცნობდა, და არ იცოდა, რანაირად შეემსუბუქებინა ხალხისთვის გასაჭირი და მძიმე უღელი. მის მოღუშულ, დაბნელებულ სახეზე აღიბეჭდა უიმედობა და სასოწარკვეთილება. ამ უკიდურეს მდგომარეობაში მყოფი ჩვენი ერი გლეხოებამ იხსნა; უფსკრულის პირზე მიმდგარი — გლეხოებამ გადაგვარჩინა და გაამართლა პოეტის სიტყვები: „არ მომკვდარა, მხოლოთ სძინავს“. დიახ, ჩვენ მტრებს მკვდარი ვეგონეთ, მაგრამ, არა; გვძინავდა და გავრღვიძეთ, აღვსდექით მკვდრეთით! მადლობის მაგივრათ გლეხოების წინააღმდეგ ჩვენმა „ბრწყინვალე“ წოდებამ შავი მებრძოლი რაზმი შეადგინა. ვაი სირცხვილო! მის მაგივრათ რომ ამ მოძრაობის ისტორიული მნიშვნელობა შეეგნო და გვერდში ამოსდგომოდა გლეხოებას, „ბრწყინვალე“ წოდება მის წინააღმდეგ მოქმედებს! თუ რამე ღვაწლი მიუძღოდა სამშობლოს წინაშე ჩვენ „ბრწყინვალე“ წოდებას, თავის შეუგნებლობით სულ გააქარწყლა ეს ღვაწლი...

აი ბორჯომიც. ამ ზაფხულს მოაგარაკეებმა დააგვიანეს მოსვლა. სახლები ძალიან იათი იყო და ბევრი ცარიელი დარჩა.

ბაკურიანიც მეტოქეობას უწევს ბორჯომს. ბაკურიანის გზაზე მდებარე სოფლები მშვენიერ სააგარაკო ადგილებს წარმოადგენენ. ცოტა ხნის შემდეგ სოფ. დაბა, ცაგვერი, ლამბაშიძის პატარა კვში და ბაკურიანი უფრო მეტ მოაგარაკეთ მიიზიდავს, მინამ მტვერიანი, ნოტიო და ძვირი ბორჯომი. მშვენიერი ნაძვის და ფიჭვის ტყეები, კარგი ჰაერი და მდებარეობა კაი მომავალს უქადის ამ ადგილებს. —

ვერც აბასთუმანმა მიიზიდა ხალხი. მოგარაკეებში ქართველობა სჭარბობს. უმეტესობა ქუთაისიდან და სამეგრელოდან არიან. ბევრი ავადმყოფი ემადლიერება აბასთუმანს. მოაგარაკენი სცდილობენ არ მოიწყინონ. ქართული წარმოდგენაც გამართეს სცენის მოყვარეებმა ახალციხის ქართული სკოლის სასარგებლოთ. წარმოდგინეს „მარუჩხა“, ითამაშეს ისე, როგორც ყველგან თამაშობენ სცენის მოყვარეები, მაგრამ მე არ შემიძლია არ აღვნიშნო ქ. ქეთო ხაბუას (ქუთაისიდან არი) თამაში მარუჩხას როლში. თუმცა სცენაზე პირველათ იყო გამოსული, მაგრამ დრამატულ ადგილებში, მეტადრე მეორე მოქმედებაში, თავისი ნიჭიერი ალტაცებული თამაშით მთელი საზოგადოება გაიტაცა. მივაქცევ ქ. ქ. ხ. — ზე ვლ. მესხიშვილის ყურადღებას. შემოსავალი კარგი იყო, მაგრამ, როგორც სთქვეს, ხარჯი ბევრი იყო და ცოტა დარჩაო. ზოგიერთ ხელგაშლილ გამგეს ისე მოსდის, როგორც გორში ერთ პირს მოსვლია. ამ დღეებში „ივერიაში“ იყო დაბეჭდილი ამ პირის ანგარიში წარმოდგენის, რომელიც გაუმართამს ქ. გორში წ. კ. გამავრცელებელ საზოგადოების სასარგებლოთ; „შემოსავალი იყო 245 მ. 51 კ., ხარჯი — 243 მ., წმინდა შემოსავალი დარჩაო 3 მ. 51 კ. ...

17 აგვისტოს რავაქ იქნა გავბედეთ რამდენიმე ქართველმა (უმეტესობა ქალები იყვნენ) წასვლა ზარზმის ეკლესიის სახაავათ. ამ დღეს მიდიოდა ზარზმაში ბ. ტ. — რგი, აბასტუმნის სასახლის გამგე, რომელსაც აბარია განახლებულ ზარზმის ეკლესიის გასაღები. ამ 6--7 წლის წინათ მემკვიდრე ცესარევიჩ გიორგის ბრძანებით და ხარჯით დაუწყებიათ რესტავრაცია ზარზმის ეკლესიის, რომელიც წარმოდგენს შესანიშნავ ნაშთს ჩვენის ძველის ხუროთ — მოძღვრების და მხატვრობის ხელოვნ-

ნებისას. რესტავრაცია მინდობილი ჰქონია და შარშან ოქტომბერში კიდევ დაუსრულებია მხატვარს სლავცევს. რადგან თურმე მნახველები ეკლესიის შიგნი კედლებზე თავის სახელს ჯღაპნიდნენ, ეკლესია დაუკეტიათ და თუმცა ყარაული ჰყავს მიჩენილი, კლიტე აბასტუმანში სასახლის გამგეს ბ. ტ. — ბერგს აბარია, ასე, რომ თუ ვისმეს უნდა ეკლესიის ნახვა, კლიტე აბასტუმანიდან უნდა წაიღოს. ზარზმა ქვაბლიანის ხეობაზეა, ბათუმისკენ მიმავალ საფოსტო გზაზე. აბასტუმნიდამ 25 ვერსია, ახალციხიდან 32. გზა მშვენიერია. დილის 8 საათზე გასული თერთმეტის ნახევარზე იქ ვიყავით. სოფ. აღიგენს რომ გასცდები, იწყება სოფ. მლაშე, საიდგანაც უცბათ გამოჩნდება საფოსტო გზის მარცხნივ მალეობი სოფ. ზარზმა, რომლის შუაგულში ამაყათ ამართულა თლილის ქვით ნაშენი მშვენიერი ეკლესია და გადაჰყურებს ქვაბლიანის ხეობას. თუთხმეტი წამიფეხით სავალი და აი ხარბათ შევყურებთ ეკლესიის გარეგნობას. სიდიდით და სიმაღლით მცხეთის ტაძარს არ ჩამოუვარდება. ჩუქურთმით ნაკეთები დიდი ჯვრები კედლებში თვალს იტაცებენ თავის მშვენიერებით. ეკლესიის შუაზე გარშემო სარტყელივით უფლის ჩუქურთმა, რომლის სხვა და სხვაობას განცვიფრებაში მოჰყავს მნახველი. ეკლესია და სამრეკლო იქა აქ ახალათ არი დახურული თლილის ქვით. შესავალი, რომელიც არი სამხრეთით, მორთულია წარწერებით და ჩუქურთმით. აი გაიღო კარები და შევედით შიგნით... თვალი ამებნა, ამტენი მხატვრობა ერთხთ მე არ მინახამს, ჩემს განცვიფრებას და მასთან აღტაცებას საზღვარი არ ჰქონდა. თუმცა ბევრი ნახატების გამოფენა და მხატვრობის გალერეები მინახამს, მაინც ამისთანა არაფერი არ მინახამს. შეიძლება კიდევ იმიტომ, უფრო გამაკვირვა ყველაფერმა, რომ ამნაირ უცხო სანახავს არ მოველოდი. სუყველა კედლები, გუმბათი, თალები, სვეტები, მთელი ეკლესია დასურათებულია, მხატვრობით არის სამსე. იგი წარმოადგენს დიდ მხატვრობის გალერეიას. თვალი ამიკრელდა, არ ვიცოდი, რისთვის მიმექცია ყურადღება. ყველაფერს ბარბათ ვუყურებ, მაგრამ თვალი მალე იღლება. 5—6 საათის განმავლობაში სამჯერ შევედი მხატვრობის სანახავათ. მეორეთ და მესამეთ რომ შევედი, ასე მეგონა, პირველათ ვხედამდი ყველაფერს. განა ერთ დღეს შეიძლება ყველაფრის ნახვა!

ერთი კვირე მაინც უნდა, რომ ყველა სურათი, ყველა რთული, მდიდარი მხატვრობა დაათვალიერო და უნახავი არაფერი დაგრჩეს. მთელი მხატვრობის და წარწერების შესწავლას და აღწერას ხომ მთელი თვეები უნდა. ქვედა კედლის მხატვრობა, სურათი იმ ქვაბლიანის ერისთვის, (როგორც ჰფიქრობენ ხურსიძის), რომელსაც აუშენებია ზარზმის ეკლესია მე XI საუკუნის ნახევარში იოანე მახარობელის სახელზე, სურათი მეფე ბაგრატ მე IV, რომლის მეფობის დროს აშენებულა ზარზმის ეკლესია, სურათები ოთხი ხუროთმოძღვრის, რომელთაც აუგიათ ეს ეკლესია და სხვები, ეს სურათები მაინც და მაინც მხატვრობის მხრით არაფერ შესანიშნავს არ წარმოადგენენ. ამ სურათების ზევით კი იწყება კარტინები, მთელი კომპოზიციები, ძველი და ახალი სამღვთო ისტორიიდგან. ეს მხატვრობა სულ სხვაანაირია, ისეთ სიშვენიერეს წარმოადგენს, რომ თვალს ვედარ აწორებ, სულ გინდა უყურო. აი შუაგულ გუმბათში ქრისტეს სურათი, საკუროთხვეველში მღვთის მშობლის, რომელთაც მანამდი უყურეთ, სანამ კისერი არ გეტკინება და თავლები არ დაგელდება. შესავლის პირდა პირ კედელზე დიდი ადგილი უჭირამს ქრისტეს დაბადებას, რომელსაც მთელი საათი უნდა უყურო, რომ წარმოადგენა იქონიო ამ რთული კომპოზიციის. მე არც დრო და არც ცოდნა შემწევს, რომ ავსწერო ზარზმის ეკლესიის მხატვრობა. მე მინდა განვუზიარო მკითხველს ჩემი შთაბეჭდილებანი და გულწრფელათ ვურჩიო როდესაც თავის სიცოცხლეში უეჭველათ ნახო ზარზმის, სათარის (რომელზედაც ქვეით იქნება ლაპარაკი) და ქულევის (ზარზმის ახლო ყოფილა) ეკლესიები. კვამლისაგან გაშავებული მხატვრობა სლავცევს გაუწმენდია. თუ სადმე დაზიანებული ყოფილა რომელიმე ნაწილი სურათის, იგი მიდიოდა თურმე გელათში. იქ იღებდა ქალაქდზე შესაფერ ნაწილს და იმის მიხედვით შეასწორებდა სურათს ზარზმაში. სადაც ამალღება დახატული, იქ თალი ყოფილა გამონგრეული. მთელი კარტინა შენახულა, ქრისტეს სურათი კი დაზიანებული და ახლათ არი დახატული. რაც უნდა გამოუცდელი იყო მხატვრობაში, მაშინვე შეატყო, რომ ეს სურათი ახალი და არა ძველი მხატვრობა არი. შესწორება ეტყობა უფრო დასავლეთ კედლის მხატვრობას. სხვა მხატვრობა თითქმის უცვლელათ არი დარჩენი



ლი. იატაკი ახალი, თლილის ქვით არი დაფენილი. შიგნი ეკლესიას აქვს 23 ნაბიჯი, სიგძე—36 ნაბიჯი. ხატები, ჯვრები და სხვა საეკლესიო ნივთები გადაუტანიათ გურიაში სოფ. შემოქმედში, სადაც აშენებულია ეკლესია, ზარზმათ წოდებული და იქ ინახება ეს ნივთები. ძველი სტილის ტრაპეზს ამზადებენ. კურთხევითვის უნდა მოვიდესო ქვრივი დედოფალი. ამბობენ ზარზმაში კურთხევით 'შემდეგ აზრათ აქვთ რუსის მოლაზნები ჩააყენონ. საფარის მონასტრის ბერებმაც ითხოვეს, რომ იმათთვის გადაეცათ ზარზმის განახლებული ეკლესია, მაგრამ უარი მიიღესო. ზარზმის ახლოს, საფოსტო გზის მარჯვნივ სოფ. ადიგენის თავზე ტყეში ყოფილა ზარზმის ეკლესიის მაგვარი ძველი ეკლესია, შესანიშნავის ხელოვნებით ნაშენი. სახელათ ჰქვია ჭულევის ეკლესია.

ქართველი მუსულმანების სოფლები და საზოგადოთ ბორჯომის, ოცხის, ქვაბლიანის ხეობები, როგორც ყველა ჩვენი ქვეყნის კუთხე, მოუენილია ციხე—სიმაგრეების და ეკლესიების ნანგრევებით, ჩვენი ძენი ძველი კულტურის უტყუარი საბუთებით. ახალციხის ციხე, აბასტუმნის (ოცხის) შესავალში თამარის ციხე, სოფ. ბოლაყურის თავზე ოქროს ციხე და მრავალი სხვანი ნაღვლიანათ და საყვედურით გადაჰყურებენ გამაჰმადიანებულ ქართულ არე—მარეს. მწარე ფიქრები წარსულისაკენ მიტაცებენ. მამულისთვის თავდადებულმა გმირებმა ვერ დაიფარეს სამშობლო. ქვით და კირით ნაშენ სიმაგრეებში იძლივნენ იგინი ურიცხვი მტრებისაგან. დაჰკარგეს სამშობლო, დაჰკარგეს თავისუფლება. დამონავებულ სამშობლოს მხერამ იმათ შთამომავლობას გაუქრო გმირული სული. დავბეჩავდით, გავთახსირდით, დავეცით სულით, არა თუ გამაჰმადიანებული საქართველო დავიბრუნეთ და გადავარჩინეთ გადაგვარების გზას, ჩვენ თითონ გადაგვარების გზას დავადექით. სულით ლატაკნი, ნივთიერთათაც გავლატაკტით. სხვის ხელში შემყურე გლახაკებათ გადავიქეცით. ჩვენ ძველ არე მარეში სხვა ერი გაბატონდა. ამ უზარმაზარი ციხეების და ეკლესიების ამშენებელთ შთამომავალნი ჟოლოს ჰყიდნიან და ქუჩებს ჰგვიან. ქვაბლიანის ქართველ მაჰმადიანებს დავიწყებით ენაც და შთამომავლობაც. ვერ მივხედეთ, ვერ ვუბატრონეთ ჩვენ მოძმეებს, ჩვენ სისხლს და ხორცს, რადგან ჩვენ თითონ



განსაცდელში ვიყავით, ხსნა თუ იყო საიდგანზე აღარ გვეგონა; სასოწარკვეთილებამ მოგვიცვა. მტერს და მოყვარეს, საქართველო დაიღუპაო, ეგონა. სისხლით ნაშენი ციხენი ობლათ გადაჰყურებენ ნაცნობ არე—მარეს. მაგრამ... ჩუ... რაღაც ხმა გაისმა ბარში! „ძმობა, ერთობა, სიყვარული კაცთა შორის“ მძლავრათ გაისმა ჩვენ ხალხში. შეინძრა საქართველო კიდით—კიდემდე; შავი ზღვიდან მოკიდებული კავკასიის მთებში ქუხილივით დაიჭექა ამ ხმამ და ღრმა ძილისაგან გამოღვიძებულმა სვანმა და მთიულმა ღონივრათ ბანი მისცა ბარელს. თითქოს დევ—გმირი ხანგრძლივ ძილს გამოერკვა! დიან გაცოცხლდა, ამოდრავდა ივერთ ქვეყანა; განახლებული ძალაშემოსილი მკვდრეთით აღდგომას აპირობს საქართველო: ხალხის გულში გაიღვიძა დავით აღმაშენებელის გენიამ, თამარ მეფის დიდმა სულმა და სათნოებამ! როგორც დავითმა და თამარმა ააშენა და ააყვავა საქართველო, ისე ჩვენი გაღვიძებული ხალხი ააშენებს და ააყვავებს დაცემულ საქართველოს. ციხენი, რომელნიც ნაშენი იყვნენ ქვით და კირით, ვერ გაუმაგრდენ მტერს. დრომ, ქარმა და ნიაღვარმა ნანგრევებათ აქცია იგინი. ციხე სიმაგრენი კი, რომელთაც ხალხი ააშენებს, იქნებიან საუკუნოთ უძლეველნი, რადგან ხალხის გენია იმათ საძირკვლათ უდებს ძმობას, სიმართლეს, ერთობას. სიყვარულით და სათნოებით აღძრულმა ჩვენმა ხალხმა პირველმა გამოუცხადა ძმობა და ერთობა მეზობელ ერებს: სომხებს, თათრებს, ოსებს და ლეკებს. მწამს და მჯერა, რომ ძმობას, სიყვარულს და ერთობას გამოუცხადებს აკრეთვე თავის სისხლით და ხორციით ძმებსა—გამაჰმადიანებულ ქართველობას. ის, რაც ვერ შესძლო ჩვენმა უძლეურმა ინტელიგენციამ, შესძლებს ჩვენი ძლევა—მოსილი ხალხი და მთელ საუკუნეობით მოწყვეტილ ძმებს დაგვიბრუნებს.

25 წელიწადზე მეტი არსებობს ჩვენი წერა-კითხვის გაძაღრცელებელი საზოგადოება და ამ ხნის განმავლობაში 25 მაჰმადიანს ვერ ასწავლა წერა-კითხვა. მცირეა, თითქმის უნაყოფო მისი მოქმედება: ოთხი—ხუთი შკოლა, ოთხი—ხუთი სახალხო ბიბლიოტეკა, წელიწადში ოთხი—ხუთი წიგნის გამოცემა, აი სულ რაში გამოიხატება მუშაობა იმ საზოგადოების, რომელსაც დამაარსებელთა აზრით უნდა აეყვავებინა საქართვე-

ლო სწავლა განათლებით, მოეთინა მწიგნობრობა და წერა—  
კითხვა ჩვენ მოძმე მუსულმანებში არა თუ აქ, ჩვენში, ჩვენ  
მოსაზღვრე სათათრეთშიაც. ვალთა ედოთ მოენახათ და მოევ-  
ლოთ ჩვენი წარსული დიდების ნაშთებისთვის. ვერაუფრი ეს  
ვერ გაკეთა წ. კ. გ. საზოგადოებამ. მთელ ქვაბლიანის ქარ-  
თველობას დავიწყების ქართული ენა და თათრულათ ლაპარა-  
კობს. აბასტუმნის შესავალში მდებარე სოფ. ვარხანი, ცოტა  
ქვეით ბენარა, საიდგანაც საფოსტო გზა უხვევს ბათუმისკენ  
ამ გზის მარჯნივ და მარცხნივ მდებარე სოფლები ნაქურდევნი,  
ხევაშენი, ხერო, უნწა, შულავერი, ბოლაყური, ენთელი, ორს  
სოფ. სმა-და (ძმა-და), კახარეთი, ყარათუბანი, ადიგენი, მლაშე,  
ფლატე, ზარზმა, უტუს-უბანი, გოდერძი და სხ. დასახლებულია  
თათრულათ მოლაპარაკე ქართველ მაჰმადიანებისაგან. რამდენი  
დამცირება, რამდენი ტანჯვა-წამება უნდა გამოეყო, სინამ  
ქართული ნანა ქართველმა დედამ თავის პირმშოს უცხო  
ენაზე დაუმღერა! (აგერ ორ თვემდე იქნება ქვაბლიანის და  
ბორჯომის ხეობებში დავდივარ; იქნება დედები მღერიან სახ-  
ლში, მაგრამ არც კაცის, არც ბავშვის სიძღერა არ სმენია ჩემ  
ყურს!). მაინც გასაოცარი მოვლენაა! ქვაბლიანის მეზობლათ  
სცხოვრობენ დასავლეთით ქართულათ მოლაპარაკე აქარლები;  
გურიაც ახლო არი. იქვე გვერდით წმინდა ქართულათ მოლა-  
პარაკე ქართველი კათოლიკენი სცხოვრობენ სოფ. ვალეში,  
ნიოხრებში, აბათხევში, წინუბანში, არალში, წყალთბილაში,  
უდეში. ქართველი მუსულმანები ბორჯომის ხეობაში და ახალ-  
ციხის გარშემო მდებარე სოფლებშიაც ქართულათ ლაპარაკო-  
ბენ. ქვაბლიანელებს კი დავიწყებით ქართული ენა XVII საუ-  
კუნის დამდეგიდან ორი საუკუნის განმავლობაში. იმისთანა  
ნაშთები ჩვენი წარსულ კულტურის, როგორც არიან საფარის,  
ზარზმის და ჭულევის ეკლესიები ხელმეორეთ გვეკარქება. სა-  
ფარის მონასტრის 50 ბერში არც ერთი ქართველი ბერი არ  
ურევია. ზარზმის განახლებულ ტაძარში უნდათ ჩააყენონ არა  
ქართველი მოლოზნები. ჭულევის ეკლესიასაც მალე დაეპატრო-  
ნებიან. მე ქართველი ბერების და მოლოზნების მომხრე არა  
ვარ. კლერიკალობა არავინ დამწამოს; მე მინდა ნხოლოთ არ  
დაგვეკარგონ და შენახულნი იქნენ ჩვენი ძველი ხელოვნების  
ნაშთი. წ. კ. გამავრცელებელმა საზოგადოებამ იმტენი უნდა

ჰქნას, რომ გადახუროს ძველი ეკლესიები, კარები გაუკეთოს, დარაჯი დაუყენოს და ამნაირათ დაეპატრონოს ჩვენი ძველი ხელოვნების ნაშთებს. ძველი ხელოვნების ნაშთებს სწორეთ ბერები უნდა დაუდგენ დარაჯებათ. საყვედურის ღირსია არა მარტო წ. კ. გ. საზოგადოების გამგეობა, არამედ მთელი ჩვენი საზოგადოება. ძალიან გულოვრილათ, უხალისოთ ვეწერებით წ. კ. გ. საზ. წევრებათ. ვინც არი წევრათ, არც იმათ შეაქვთ საწევრო ფული. რა გააკეთოს წ. კ. გ. საზოგ. გამგეობამ, თუ საშვალეზას არ მივაწვდით. ერთმა პოლონელმა შურით მოისმინა, რომ ჩვენ ამისთანა დაწესებულება გვქონდა, მაგრამ როდესაც გაიგო წევრების და შემოსავლის რაოდენობა, დიდათ გაიკვირა და სთქვა, რომ ამისთანა დაწესებულება ჩვენ გვქონდეს, მილიონებს მოვაგროვებდით, და სწავლა-განათლებით მთელ პოლონეთს ავაყვავებდითო. ესთქვათ სხვა და სხვა გარემოება ხელს არ გვიწყობს და ნივთიერთ ღარიბნი ვართ, მაგრამ რომ არც ჩვენი ვინაობა ვიცით! არ გვანტერესებს ჩვენი წარსული, არა გვაქვს ჩვენი ისტორიის ცოდნა. ეს ვისი ბრალია? ნივთიერთ ღატაკნი სულიერთათაც ღატაკნი ვართ. ესთქვათ ჩვენი მღვდლები ღარიბები არიან და ყველას არ შეუძლია წ. კ. გ. საზ. წევრი იყოს. მაგრამ როდესაც სემინარია დათავებულმა ახალგაზრდა მღვდელმა არ იცის ზარზმის ეკლესია სომხების აშენებულია თუ ქართველების, მაბათივეთ, მაგრამ მე ამას მიზეზათ სიღარიბეს კი არა უვიცობას, წარსულისადმი ინტერესის უქონლობას ჩავთვლი. გურიიდგან აბასტუმანში მოსულს მღვდელს ზარზმის ეკლესიის ამბავი ვუამბე. სემინარია დათავებულმა მღვდელმა თურმე არ იცოდა რომ ზარზმის ეკლესია, რომელიც აწერილია ბევრი ჩვენი ისტორიკოსებისაგან და მოგზაურისაგან და წარმოადგენს შესანიშნავს, იშვიათს ნაშთს ჩვენის ძველი ხელოვნებისას და მკითხა, ვისია ზარზმის ეკლესია, ხომ სომხების აშენებულიაო! სწორეთ ასეთი კითხვა, ვისი აშენებულიაო ზარზმის ეკლესია, მომცა ერთმა ახალგაზრდა ცნობისმოყვარე ნაფიცმა ვექილმა. რა კაი დროს მოგვასწრო ძმობა — ერთობამ! მე მწამს, რომ გამაჰმადიანებული საქართველოშიაც ძალიე შემოვა ძმობა-ერთობის მოძღვრება და მაშინ გაერთიანებული საქართველო ძმურათ დაადგება განახლებულ ცხოვრების გზას. ამისი ნიშნები ეხლაც არი: აი ოსმანა ბლიაძე, ჩემ კითხვაზე,

თუ გაუგონია ძმობა—ერთობა, მომიყვა—„ერთი წელიწადია, რაც ჩვენში ძმობა— ერთობა შემოვიდა და ტყეში შევედითო“... ძმობა-ერთობის ხმა პირველათ გურიიდან მოეთინა სხვა საქართველოს კუთხეებს. მოსალოდნელი იყო, რომ გამაჰმადიანებულ საქართველოშიაც იქიდგან გავრცელდებოდა ეს მოძღვრება. ასეც მოხდა. აი „ივერიის“ კორესპოდენცია გურიიდან, საიდგანაც ვტყობილობთ, რომ მოსაზღვრე გურულები და ქართველი მუსულმანები შეკრებილან ერთ მთაზე და ერთმანეთისთვის ძმობა- ერთობა შეუფიცნიათ.—

20 აგვისტოს ახალციხეში ერთი ღარიბი სტუდენტის სასარგებლოთ გამართულ წარმოდგენას დავესწარი. წარმოდგინეს რუსულათ რაღაც ვოდვეილი და მზის დაბნელება. „მზის დაბნელებას“ მარტო ისეთ ჩამორჩენილ ქალაქში, როგორც ახალციხეა, თუ წარმოდგენენ, თორემ სხვაგან ველარ შევხდებით, თუ არ საიუბილეოთ, კარგათ ითამაშა თ. თ—მა. ქართული დასი სამი გვყავსო, თავმომწონეთ მითხრეს ახალციხელებმა. ახალციხე რაღაც მინგრეულ—მონგრეულ ქალაქს წარმოდგენს. შენობებს სქლათ ადევს მტვერი. არც ქუჩებს ატყვია პატრონობა და მზრუნველობა. როგორც ეტყობა, მცხოვრებნი დიდის ცნობის მოყვარეობით ყურს უგდებენ, რა ხდება იმერეთში და ქართლ-კახეთში, თუმცა თითონ ვერ გამორკვევიან ჯერ ძილს.—

დიდი ხნის სურვილი ავისრულე და მეორე დღეს ერთი ჩემი კაი ნაცნობის თანხლებით ცხენით (ეტლიც დადის) წავედი საფარაში, რომელიც ახალციხიდან 7—8 ვერსზე მდებარეობს, მტკვრის მარცხენა ნაპირზე კლდეზე აშენებული ამაყათ მალლა ცაში ამართულია საფარის ეკლესია. ბერებს, უწნოთერთათ შელესილ შენობებით შემოუზღუდამთ იგი. შებორკილი, ტყვეთ ქმნილი და შეურაცყოფილი გადაჰყურებს ბორჯომის ხეობას. გულსაკლავათ დაშტერებია მტკვარს, თითქოს ემუდარება, შორს წაიღოს იმის ტყვეობის ამბავი და მოჰტინოს ნათესავ ქვეყანას. ვერ გასჭრა ბერი ქრისტესიას ღვაწლმა: პირველი ის დაებატრონა საფარის ტაძარს, მაგრამ არ გამოუჩნდა ქართველ ბერებში მიმდევარი და საფარას დაებატრონენ დაუბატოებელი უცხო ბერები. 511 ბერში არც ერთი ქართველი ბერი არ ურევია. საფარის ტაძარი, როგორც ზარზმის,

არი ნაშენი თლილის ქვით, გარშემო მრავლათ აქვს ჩუქურთმა და ქართული წარწერა. დასავლეთით შესავალი (придѣлъ) ჩუქურთმით, ორნამენტით და მრავალ წარწერით არი მორთული ყველა კედლები, თაღები ჩუქურთმით და ორნამენტით ნაკეთებია ქვით არი ნაშენი. ძნელათ რომ ასე ბევრი ჩუქურთმა სხვაგან სადმე იყოს ერთ ადგილას თავმოყრილი, როგორც საფარის ეკლესიის შესავალში. მარტო ამ შესავლის სანახავათ ღირს საფარაში მოსვლა განსაკუთრებულ ყურადღებას მნახველისას მივაქცევ იმაზე. შიგნით მხატვრობა ყველა კედლებზე ერთნაირათ არი შენახული. სამხრეთის კედლებზე კარგათ არი შენახული მხატვრობა. აი წმ. საბა, რომელსაც აწვდის საფარის ეკლესიის გეგმას ამშენებელი ამ ეკლესიის ახალციხის ერისთავი. იმის გვერდში დახატული არიან სამი იმისი შვილი. ზევით იწყება სურათები საღმთო ისტორიიდან. გუმბათში კარგათ არი შენახული ქრისტეს სურათი. ჩრდილოეთის კედლის, საკურთხევლის და დასავლეთი კედლის მხატვრობა ძალიან შელახულა და ყველაფერი გარკვევით არ მოსჩანს. სამხრეთით საფარის ტაძარს მიშენებული აქვს მღვთის მშობლის მიძინების ეკლესია. უფრო მორჩილი ისიც თლილის ქვით არი ნაშენი. მთელი ეკლესია თეთრათ არი შეღებილი. აქა იქ თაღებში დარჩენილი სურათების ნაშთები მოწმობენ, რომ ეს ეკლესია ისევე დასურათ-ხატებული ყოფილა, როგორც საფარის ეკლესია. ჩამორეცხა წვიმამ და ღვარმა, თუ უწმინდურმა ძველი თუ ახალი მოდგმის ბარბაროსის მარჯვენამ ჩამოფხიკა მხატვრობა კედლებიდან ძნელი გამოსაცნობია.—

იმისი თქმა კი, რომ ჩვენის უვიცობით და დაუდევრობით ბევრი დავკარგეთ, ადვილია. დრო არი ჩვენს ერთად ერთ დაწესებულებაში რეფორმა—განახლება შევიტანოთ. მივსცეთ მეტი საშუალება და შეძლება წ. კ. გ. საზოგადოებას, რათა იგი დაებატრონოს იმ ძველ ნაშთებს, რომელნიც ჯერ არ დაუჩემებია ვინმეს, ან სულ არ განადგურებულან. თუ ჩვენი საზოგადოება მეტ თანარგძნობას არ აღმოუჩენს წ. კ. გ. საზოგადოებას, ამ შემთხვევაში მის სასარგებლოთ საჭიროა შემოვიღოთ სავალდებულო გადასახადი, როგორც სომხურ საქველმოქმედო საზოგადოებას ჰქონია დაწესებული.—

ჩემი უკანასკნელი სურვილიც ავისრულე: ამ თვის 8 ვნა-

ხე ჭულევი, ვნახე სამოთხე! დიახ, ჭულევის ბუნების სიმშვენი-  
ერე სამოთხეს მოგაგონებს: ადამ და ვვას აქ უნდა ეცხოვრათ.  
ზარზმის სანახავათ მიმავალ ჩემ თანამგზავრებს ადიგენის სტა-  
ნციაზე დავშორდი. მევლუდა ჩოფაძემ ადიგენიდან ცხენი მო-  
მაქირავა და თითონაც გამყვა ჭულევში, რომელიც ადაგენი-  
დან იქნება 6—7 ვერსზე (აბასტუმნიდან 27, ახალციხიდან  
32-34 ვერსია). მევლუდას იმერეთში უვლია, ქართულს კარ-  
გად ლაპარაკობს. „ძმობა—ერთობაც“ გაუგონია. ჩვენ ძველათ  
ქართველები ვყოფილვართო, მითხრა. ჩვენი სჯული სხვაა, მაგ-  
რამ საქმე სისხლიაო და სისხლით ნათესავები მუდამ ძმები  
იქნებიანო. ავიარეთ სოფ. ადიგენის აღმართი. ადიგენის თავზე  
გავივაკეთ და დავინახე ჭულევის მთა და კლდეები, რომლე-  
ბის შუაღ ჭულევის ეკლესია იმყოფება. ცოტა ხნის შემდეგ  
მივადექით იმ კლდეს, სადაც ალყათის კარებივით შესავალია  
ჭულევის ხეობაში, ანუ უკეთ ქვაბში. ორ მაღალ კლდეს პირი  
უქნიათ, დაშორებიან ერთმანეთს 10—15 საფენის მანძილზე,  
რათა მიეცათ კაციხთვის და წყლისთვის შესავალ-გასავალი გზა.  
როდესაც ცოტა ავიმალღეთ და ორ კლდეს შუა მოვხვდი,  
უეცრათ თვალწინ გადაშეშალა რაღაც ფანტასტიური კალმით და  
სიტყვით აუწერელი დიდებული სურათი—ეს იყო ჭულევი.  
მეტის სიამოვნებისაგან აღელვებული, გაფითრებული, ა იმ საღ  
კლდესავით გავშეშდი და დიდ ხანს თვალი ვერ მოვაშორე  
უცხო წარმტაც სანახაობას: ირგვლივ მთებით და კლდეებით  
შემოზღუდული სუყველა მხრით, ტყით დაფენილი კალთები,  
შიგა და შიგ ველ-მინდორი, იქა-აქ მოჩუხჩუხე წყაროები,  
შუა გულში მომდინარე წყალი, რომელიც გამოჰქუხს მაღლა  
კლდეში და ახმაურებული აღვიძებს მყუდრო, მიღუმებულ  
ბუნებას ჭულევი წარმოადგენს მომხიბლავ სანახაობას. შუა-  
გულში ცოტა მაღლობზე მოჩანს ჭულევის ეკლესია, რომე-  
ლიც გვირგვინათ დაუდგამს კაცს ამ ბუნების სიმშვენიერის-  
თვის. ჭულევის ეკლესია მისი წარმტაცი გარმიდამოთი წარმო-  
ადგენს დიდებულ სურათს, რომლის შექმნაში გამოიხატება  
სრული გარმონია—შეთანხმება ბუნების და ხელოვნების შუა-  
სიგძე-სიგანე მთების წვერებ-შუა იქნება 4-5 ვერსი. ძირს 2-3 ვერსი.  
მარცხნით ფერდობი ფიჭვნარის ტყით არი დაფენილი პირდაპირი  
მთის კალთები ნაძვნარით. მარჯვნივ შერეული ტყეა, წითელ-ყვით-

ლათ აფერადებული, თითქოს დახატულიაო. ეკლესიის სამხრეთ დასავლეთით არი ავარდნილი ცაში ორი კლდე, და-ძმასავით ერთმანეთს ჰგავენ, სიტურფე-სილამაზეში ერთმანეთს ეჯიბრებ-ბიან; ჩრდილო-აღმოსავლეთით ძარტო ამართულა მაღალი კლდე, რომელიც ნაზათ გაჰყურებს გაღმა ორ კლდეს. მე არ შემიძლია ჭულევის ზღაპრული სიტურფის აღწერა. ჩემი წერას უჩვევი კალამი არ მემორჩილება, სიტყვებს ვერ ვპოულობ, რომ მკითხველს მაინც და მაინც გავუღვიძო ჭულევის ნახვის სურვილი. ბევრი იტყვის, მოცლილი კაცის საქმეა აქეთ-იქით ხეტიალიო "შენც, საქმის მოყვარე მკითხველო, დამეთანხმე, ხშირათ უსაქმით დადიხარ, არც თვატრებს აკლდები, ბალებ-შიაც იქნება ქეიფი გიყვარს, ალბათ კარტის თამაშში დიდ ღროს ჰკარგამ! 4-5 დღე როდისმე შენ სიცოცხლეში ერთხელ მოიცალე, წამოდი აქით, ნახე საფარა, ზარზმა, ჭულევი და დამეთანხმები, რომ მე არაფერს არ ვაზვიადეფ და მადლობას შესწირამ განგებას, რომ ჭულევის უნახავი არ მოკვდები. კავკასიის ქედზე სამხედრო გზით მივლია; რაქაში კავკასიის მთების ძირამდე მივსულვარ, ცყოფილვარ ყირიმში, იალტაში, კისლოვოდსკში, მაგრამ ამნაირი საარაკო ლამაზი ბუნება არ მინახამს, რანაირიც მე ჭულევში ვნახე და არ მინახავს კიდევ იმიტომ, რომ ალბათ არსად ამისთანა არაფერი არ იქნება. რა მშვენიერი სანატორია, კოლონია გაიმართება აქ. ექიმი ლამბაშიძე რომ პატარა ცემის სიახლოვეს და რკინის გზის პირათ მდებარეობას არ შეეცდინა და კიდევ ეძებნა სააგარაკო ადგილი, უეჭველათ ჭულევზე გაჩერდებოდა და არც შესცდებოდა. ჰაერი, წყალი, მომხიბლავი ბუნება ისეთ ადგილათ ხდიან ჭულევს, სადაც კაცი დაისვენებს სულიერათ და განიკურნება ხორციელათ. ეს არი ადგილი, სადაც კაცი იცნობს ღვთიურ შემოქმედების ძალას, ბუნების სიმშვენიერეს, მის სიდიადეს. — სამრეკლოს ნახევარი სამხრეთით ჩამონგრეულა. თლილის ქვით ნაშენ ეკლესიას ბევრი ქვები აქვს ჩამოცვივნილი კედლებიდან. მისი გარმდამო სამსეა მიყრილ-მოყრილი ჩუქურთმიანი ქვებით. სიდიდით ცოტა ნაკლებია ზარზმის ეკლესიაზე. შევედი შიგ ეკლესიაში..... გული დამწყდა, როდესაც თვალი მოვაღლე შელახულ დაზიანებულ მხატვრობას. იგივე დიდებული ტაძარი, როგორც ზარზმის, იგივე მშვენიე-

რი, საუცხოვო მხატვრობა..... და ახლა მარტო ნანგრევები...  
 შელახული, შებლაღული მხატვრობა. სამხრეთის კედელზე შე-  
 მოსავალი კარების თავზე კარგათ არი შენახული ამშენებელი  
 ერისთვის სურათი, ამ ეკლესიის გეგმით ხელში. იქვე კიდე  
 რამდენიმე სხვა სურათია. ამ სურათების პირდაპირ მარჯვნივ  
 არი კარგათ შენახული დიდი მხატვრობა—გარდამოხსნა ქრი-  
 სტესი. საკურთხეველში ორი-სამი წმინდანის სურათი გადა-  
 რჩენილა დასავლეთის კედლებზე, თაღებში და სვეტებზე მხა-  
 ტვრობა ძალიან არ არის დაზიანებული და ადვილათ შეიძლება  
 იმისი აღდგენა. მხატვრობა კი საკურთხევლისნაწილის, გუმბა-  
 თის და ჩრდილოეთის კედლის სამუდამოთ გამქრალათ, დაკა-  
 რგულათ უნდა ჩაითვალოს, რადგან უწმინდურ და რეგვენი  
 კაცის ხელს დანით ჩამოუფხეკია და ჩაქუჩით ჩამოუნგრევია.  
 ასე, რომ ამ ადგილებზე გატყაული, გაძარცვული თლილი ქვა  
 მოსჩანს მარტო. ასე იმიტომ ვფიქრობ, რომ სახურავი ეკლე-  
 სიის კარგათ არი შენახული და წვიმა შიგნით სულ არ მო-  
 ხვდებოდა, თუ კაცის ხელს არ დაეზიანებია, მხატვრობა კარ-  
 გათ იქნებოდა შენახული ბევრი დაკარგულა, მაგრამ რაც შე-  
 ნახულა, იმას რომ ვუპატრონებდეთ, ისიც დიდი ამაგი  
 იქნება ჩვენის მხრით. საჭიროა წ. კ. გ. ს. გამგეობამ ახლავე  
 უპატრონოს ქულევის ეკლესიას: შემოავლოს გალავანი და  
 კარები გაუკეთოს, რომ პირუტყვი არ შედიოდეს.

მე-18 საუკუნის ნახევრიდან მთელი მე-19 საუკუნე ჩვენ  
 ერს უმოქმედო ხანა დაუდგა. ჩვენი ხალხის ისტორია და შე-  
 მოქმედებითი ძალა შეჩერდა ერთ წერტილზე. ის მაინც შე-  
 ვინახოთ, რაც ჩვენმა წინაპრებმა შექნეს და ბნელ ძალებს  
 ჯერ სავსებით არ მოუსპიათ და წარუტაცნიათ.

ნეს. პეტრ.-შვილი

1905 წ. 12 სექტემბერი დაბა აბასტუმანი.

18781  
3



პარლამენტის ეროვნული ბიბლიოთეკა



K 6.781/3